

ილორი

www.ilori.ge



№ 86 (147) 28 სექტემბერი 2010 სანჯალხო მთკრატვა "სამეგრელოს" ორგანო 30 თეთრი


კვლავ ერთად, კვლავ ერთმანეთის იბედიტ...

2

ეს წიგნი 1908 წელს გამოიცა თავად პი. თუმანიშვილის მიერ. აღსანიშნავია, რომ იგი იმდენად ობიექტურად ასახავს ქართველი ერის წარსულს, რომ კომუნისტებს დიდი ივანეს ეს ნაშრომი არც ცალკე წიგნად გამოუციათ და იგი არც 80-იან წლებში გამოცემულ ივანე ჯავახიშვილის 12-ტომეულ შუტანიანთ. ჩვენც შემთხვევით მივაგვეჩინა ამ წიგნს ერთ-ერთ ბიბლიოთეკაში და აუცილებლად მივიჩნიეთ მისი გამოქვეყნება, რადგან დიდი ქართველი მეცნიერისა და მამულიშვილის მიერ მეტად საინტერესო მოსაზრებებია მოყვანილი მეგრული, სვანური და ლაზური ფენომენის თაობაზე.



ივანე ჯავახიშვილი ქართველ ერის ისტორია



რუსის ციხე (ჩანახატი)

გიო გოგენია,
ზუგდიდი

ბაზეთი "ილორი" უძველესი რუბრიკას "მსოფლიოს დიდი უსხეურთელები"



კენი დალგლიზი
ბილი (ლიტონი) ღინი
ლუსი დელ სოლ მირამონტასი

რა ენაზე მეტყველებდნენ იბერები?

6

კუკური ფიფია

ტურიზმი: გამდიდრება თუ ბალტაკება?

"ნაციონალების" მარწუხებში მოქცეულმა საქართველომ დაჰკარგა კავკასიაში განმანათლებელი და უმაღლესი კულტურის მქონე სამყაროს ისტორიული ფუნქცია და გადათიფელ ტურისტთა სათარეშო არენად იქცა. გლობალიზტებმა და სხვა ჯურის ჟიდო-მასონებმა მიაღწიეს საწადელს – საქართველოს გამოაცადეს სულიერ-ზნეობრივი და მორალური ლიდერის ფუნქცია და იგი გაუნათლებელი და სოდომური ვნებით ანთებული უცხოელი ტურისტების დროის გატარების დადგამულ ზონად ჩამოაყალიბეს. ჩვენ დღეიდან იმ მოსამსახურე ერთდ ვიქცევით და ისეთ სამუშაოებს ვყავთუდლებით, რომელსაც ქართველი უცხოტომელთა მონობაშიც კი არ ვგუებოდა. მაგრამ, მაშინ თუ ქართველი მონობიდან გაქცევით შველოდა თავს, დღევანდელ ქართველს, სამწუხაროდ, თანამედროვე მონობიდან გაქცევის უნარიც აღარ აქვს და მხოლოდ ღვთის იმედად დარჩენილი, სასოებით შეჰყურებს ხვალისდღე დღეს!

სწორედ საქართველოში უცხოთ თარეში გახლავთ იმის მიხეზი, რომ კვების პროდუქტები კატასტროფულად ძვირდება ბაზარზე და, საუბედუროდ, ეს გაძვირებული პროდუქციაც აღარ გამოაქვს გლეხს გასაყიდად, ვინაიდან მას ადრევე ურიგდებათ და პირდაპირ მისი სახლიდან ეზიდებიან სოფლის მეურნეობის პროდუქტს უცხოელი მუშტრები თუ იმ სასტუმროთა ქართველი მფლობელები, რომლებიც მუდამ მზად უნდა იყვნენ სარფიანი სტუმრების მისაღებად. აი, სადამდე მიგვიყვანა საქართველოში ტურიზმის გაუზრებლად განვითარებამ – პერმანენტულად ძვირდება კვების პროდუქტები, ქვეითდება ადგილობრივი მოსახლეობის ყიდვისუნარიანობა, პენსიები და შემწეობები კი ძველ ნიშნულზე გაყინული და არავინ ფიქრობს მათ მომატებაზე. მთელი საქართველო რომ ერთ დიდ ტურისტულ ბაზად იქცეს (რაც ჩაფიქრებული აქვს კიდევ საქართველოს ხელისუფლებას), გარკვეული მიხეზების გამო მოსახლეობის დიდი ნაწილი მაინც ვერ მოახერხებს ამ ბიზნესში მონაწილეობას. განა ჭეშმარიტება არ არის: დღევანდელი საქართველოს სოფლის მეურნეობა ("საზიზღარი" სოციალისტურისაგან განსხვავებით) იმასაც ვერ ახერხებს, რომ საკუთარი თავი გამოკვებოს და სოფლის მეურნეობის პროდუქციის გამოყენების კუთხით, ძირითადად, სომხეთზე, აზერბაიჯანზე, თურქეთსა და ირანზე ვართ მიბმული. ამდენად, საქართველოში ფასებს სოფლის მეურნეობის პროდუქციაზე არეგულირებს არა ჩვენი შიდა ბაზარი, არამედ საზღვარგარეთის ქვეყნებში არსებული საბაზრო ბალანსი (უფრო მეტად კი – დისბალანსი). როგორ ფიქრობთ, ადგილობრივთა მოთხოვნას ჩამოსული დამსვენებლების მოთხოვნაც რომ დაემატება, საჭმელ-სასმელი კიდევ უფრო მეტად არ გაძვირდება?

ტურიზმის ინდუსტრიის დასახვედრად ხომ აუცილებელი იყო, რომ საქართველოში განვითარებულიყო სოფლის მეურნეობის პროდუქციის წარმოება?! ჩვენთან კი ყველაფერი გაკეთდა იმისათვის, რომ სოფლის მეურნეობა განანაგებულიყო: კახელ გლეხებს ვენახი გააყავინეს, მეგრულ და გურულ მეჩაიეებს, რომელიც ერთ დროს მთელი საბჭოთა კავშირისა და სოციალისტური ბანაკის ქვეყნების მოთხოვნას აკმაყოფილებდნენ ამ პროდუქციით, ერთ დროს წალკოტად ქცეული ჩაის პლანტაციები გაუვალ ბუჩქნარად უქციეს... აღარ მოგვყავს ბოსტნეული, სათანადო ბაზის უქონლობის გამო ძნელდება გემრიელი ქართული ხილისა და ბახჩეული კულტურების მოყვანა...

მოუვლელობის გამო უდაბნოდა ქცეული დედოფლისწაროს რაიონის ერთ დროს უხვ-მოსავლიანი მიწები... რომელი ერთი ჩამოვთვალთ!

ნუთუ ვინმეს ჰგონია, რომ რაც უფრო მეტი საწოლი ადგილები გვექნება ტურისტების მისაღებად, მით უფრო გაუმჯობესდება ჩვენი ყოფა. როგორ გგონიათ, დასასვენებლად ჩამოსულ ტურისტს საწოლის მეტი არაფერი სჭირდება? ამაზე ხომ ადრევე უნდა ეზრუნა ჩვენს ხელისუფლებას, რათა შესაბამისი მატერიალური ბაზა შექმნილიყო ასიათასობით სტუმრის მისაღებად.

გაიარეთ მარნეულის ან კაბალის ბაზრობაზე, რომელიც წლის ყოველ დროს გადავსებული იყო ხოლმე სოფლის მეურნეობის პროდუქციით. ახლა შემოდგომაა, მოსავლის აღების პერიოდი, ამ ცნობილ ბაზრობებზე კი მხოლოდ ანწლის კენკრას (კუჭის აშლის უებარი წამალია) და უმწიფარ ქლიავს თუ შეიძენ, იმასაც საკმაოდ ძვირად...

"მაძღარს მშვიერიც მაძღარი ეგონათ" – ასე ჰგონია ჩვენს ხელისუფლებას. იმით არიან გახარებული, რომ დამსვენებელ უცხოელებს ბათუმში პროდუქტებზე და მომსახურეობაზე სთიაფე აკვირებდათო. რა თქმა უნდა, იმ ქვეყნის მოქალაქეს, სადაც ხალხი დასაქმებულია, პენსია რამდენიმე ათას დოლარს შეადგენს, ხოლო კომუნალური ხარჯი მისი შემოსავლის 7 პროცენტს არ აღემატება, შეუძლია ჩათვალოს, რომ ბათუმის ბაზარი იაფია. მაგრამ ჩვენს მოქალაქეს თავიანთი 100-ლარიანი პენსიით (ახალგაზრდა, ჯანიან უმუშევრებზე არას გამობობ, რომელიც შემთხვევიდან შემთხვევამდე თუ იშოვნიან პურის ფულს), საიდანაც ნახევარზე მეტი კომუნალური ხარჯების დასაფარავად მისდის, არა მგონია ისეთივე სიხარულის განცდა გაუნდეს რომელიმე ქალაქის ბაზარში შესვლაზე, როგორც ამას ადრეცებული უცხოელები გადმოგვცემენ.

ქვეყანა მხოლოდ საკუთარი ეკონომიკის განვითარებით შეიძლება გამდიდრდეს, თორემ, ირანში ათ ლარად ნაყიდ ნიორს აზერბაიჯანელს ან სომეხს თხუთმეტ ლარად რომ შეაჭმევ, ეს ელემენტარული სპეკულაციაა და ამით აშენებულ-დამშენებული ქვეყანა ჯერ არავის უნახავს!

ასე რომ, გაუზრებლად დავეტაკეთ ტურიზმს და არავინ იცის, ხვალ საიდან შემოგვიტევენ შიმშილი. ეს რომ პირველი გაუზრებელი ქმედება იყოს ჩვენი ხელისუფლების მხრიდან, ასე მწარედ არ შევიცხადებდით, მაგრამ სხვა სახელისუფლებო რეფორმებმა და ინიციატივებმა რა ხეირი მოგვიტანეს, რომ ასე უაზროდ და ბრმად შემთხენებულმა ტურიზმმა აგვაშენოს!

ასე რომ, ქართველებო, კიდევ ერთხელ შემოიჭირეთ ქამრები, წელში გაწვეტამდე!

"ილორის" რედაქცია

კვლავ ერთად, კვლავ ერთმანეთის იმედით...

გაზეთ "ილორის" მეთხველებს ვთავაზობთ ნაწვევებს 2008 წელს საქართველოს კულტურის, ძეგლთა დაცვისა და სპორტის სამინისტროს და გიორგი ჩუბინაშვილის სახელობის ქართული ხელოვნების ისტორიისა და ძეგლთა დაცვის კვლევის ეროვნული ცენტრის მიერ ერთობლივად გამოცემულ, პროფესიით ექიმის პაატა ქურდოვანიძის მიერ ქართულ-აფხაზურ ენებზე შესრულებულ ილუსტრირებულ "ქართულ-აფხაზური ალბომი"-დან, რომელშიც XIX საუკუნის დასაწყისში ქართველებისა და აფხაზების ურთიერთობა აღწერილია. წერილს თან ერთვის უნიკალური ფოტომასალა, რაც კიდევ ერთხელ ადასტურებს, რომ ქართულ-აფხაზური ურთიერთობების ეს პერიოდი ორივე ხალხისათვის დიდი კულტურულ-ისტორიული ეპოქის მეტად მნიშვნელოვანი მონაკვეთი იყო.

მიზიწმუნებული სახანაბო

როგორც აღვნიშნეთ, გრიშა დადიანი არ მიეღობოდა უმადლეს ოფიციალურ წრეებთან ახლო ურთიერთობას, მაგრამ ერთხელ მასაც მოუწია კომპრომისზე წასვლა. პეტერბურგიდან ჩამოსულმა უმცროსმა ძმამ, უჩამ იმპერატორ ნიკოლოზ II-ის სურვილი ამცნო: გრიშა ბატონიშვილს ზუგდიდის მახრის თავადაზნაურობის წინამძღოლობა უნდა ეთავაზო. იგი ამ წინადადებას დათანხმდა. მაღალი ხნეობისა და ღირსებათა გამო, გრიშა დადიანს საზოგადოება ემადლიერებოდა. ხორშის სასახლე იმდროინდელი სამეგრელოს ერთგვარ კულტურულ ცენტრად იქცა: სამშობლოს ისტორიაზე მსჯელობა, პოლიტიკური საკითხების განხილვა, შიირითქმელობა, ექსპრემტი...

აფხაზი საზოგადო მოღვაწის, სამურზაყანოელი თავადის პეტრე ანჩაბაძის კუთვნილ საოჯახო ალბომში, თავმოყრილი იყო სწორედ ასეთი შეხვედრებისა და წერილი თუ ხეპირად წარმოთქმული ქართველი და აფხაზი მეგობრების პოეტური გააპქებები. მათ შორის იყო გრიშა დადიანის ლექსიც. გრიშას მრავალშვილიანი და ხელმოკლე ოჯახი სტუმრინობით გამოირჩეოდა. აფხაზი მოყვრები აქ იშვიათნი ნამდვილად არ იყვნენ. როგორც წესი, უამრავი ძიძიშვილი, ნათლული და გაზრდილი ცხოვრობდა. ქვეყისა და ზრდილობის ძველებური წესების დაცვა სავალდებულოდ მიიხსენიდა.

ყველა პირობა იყო იმისათვის, რომ გრიშად დადიანის ტრადიციულად აღზრდილი, სათანადო განათლებამიღებული შვილები ქვეყნის სამსახურში ჩამდგარიყვნენ, მაგრამ გასაბჭოების შემდეგ ბედისწერამ ყველაფერი სხვაგვარად განსაზღვრა...

ტრაგიკული იყო ამ ოჯახის თითოეული წევრის ცხოვრება. კონსტანტინე გამსახურდიამ რომანში "თეფრის მოტაცება" განსაცვიფრებელი სიმაფრით და სიმართლით აგვიწერა იმ ეპოქის საქართველოში აღზევებული აზნეობა და უკეთურობა, სიკეთისა და ბოროტების მარადიული ბრძოლა. ისე მესახება, თითქოს გრიშა დადიანის შვილები თარაშემუხვარისა და თამარ შარვაშიძის პროტოკოლები... გრიშასა და მისი მუედლის ციცი დადიანის ოჯახის ისტორია ტრავიზმით იყო სავსე. 1913 წელს, ჯერ კიდევ ახალგაზრდა გრიშა დადიანი გარდაიცვალა. ტრადიციული გლოვის შემდგომ, მისმა მეუღლემ ოჯახი უფროს რძალს, მემე ჯაიანს გადააბარა და თეკლათის დედათა მონასტერში მონაზვნად აღიკვეცა.

პირველი მსოფლიო ომის დაწყებისთანავე ვაჟები სამხედრო სამსახურში გაიწვიეს. შემდეგ იყო რუსეთის ორი რევოლუცია და სამოქალაქო ომის სისხლიანი ბატალიები. აღფრთოვანებული შეგებენ დადიანები თებერვლის დემოკრატიულ რევოლუციას. უფროსი ძმები ომიდან შინ დაბრუნდნენ. თითოეული მათგანი მომავალს იმედით შეჰყურებდა.

1921 წლის თებერვალი... სიზმარით გაქრა საქართველოს დამოუკიდებლობა... ემიგრაციაში გაემგზავრა გრიშას უფროსი ძმა, უჩა დადიანი. მან თან წაიყვანა ყვე-

ლაზე უმცროსი ძმისშვილი - დავითი (ქუქურია). საქართველო დატოვეს გრიშას უფროსმა ქალიშვილებმა - ნინომ (ჩაქურია) და მარიამმა (ჟოჟო). მალე მთელი ოჯახის ემიგრირების საკითხიც დადგა, მაგრამ უცხოეთში წასვლაზე კატეგორიული უარი განაცხადა გრიშას დედამ, საუკუნეს მიღწეულმა, აწ უკვე თეკლათის დედათა მონასტრის იღუმენია ელეონორამ. უმძიმესი შეიქმნა ბოლო ნაბიჯის გადადგმა, უცხოეთში გადახვეწას დადიანებმა შინ დარჩენა აძვობინეს. ბათუმის პორტიდან უჩა დაბრუნდნენ.

ხორშში დარჩა გრიგოლ დადიანის ვაჟი კოკი და მისი ოჯახი. მოთმინებით გადაქონდათ ცხოვრებისეული სიღუბლიერე, ქრისტიანულ სულიერებაზე და ძირძველ ტრადიციებზე აღზრდილი მშვიდად უყურებდნენ ახალი ხელისუფლების ამბიციურ მმართველებს.

ქართველი ბოლშევიკები, მოიმარგეს თუ არა ფეხი, საშინლად გაუსწორდნენ მათთვის მიუდებელ ადამიანებს. გრიშა დადიანის ათი შვილისა და საერთოდ დადიანების საგვარეულო წარმომადგენელთა ტრაგიკული ბედის გაცნობა, საკმარისია ამაში დასარწმუნებლად. თუმცა ისინი გამოჩინდნენ არ იყვნენ. იგივე ხვედრი გაიზიარა ასე ათასობით ქართველმა.

დადგა 1924 წელი... აჯანყებულთა რიგებში ჩადგნენ ძმები: გელა, ლევან (ჯონჯო) და კონსტანტინე (ჯუჯუ) დადიანები. გაუზარავე იმობის ფიცით შეკრულნი იმ გზის გასაყარზე აღმოჩნდნენ, რომლის ერთ მხარეს ცხოვრების სანთლის უსახური და ნელი ქრობა, ხოლო მეორე მხარეს კი ამადლებული ვნებათა ღელვა და სამშობლოს ხსნის მცირე იმედი იხსებოდა. თუ რა სისხლისღვრა გაიმართა შემდეგ საქართველოში ყველასათვის ცნობილია.

გრიშას ვაჟი კოკი, ამბოხებისადმი ლოიალურად იყო განწყობილი და მრავალშვილიან ოჯახს დასტრიალებდა, აჯანყებაში არ მონაწილეობდა, მაგრამ ბედისწერას ვერსად გაექცა. ხელისუფლებამ მისი უმცროსი ძმები ხელთ რომ ვერ მოიგდო, მასზე იყარა ჯავრი. კოკი დააპატიმრეს და ყოველგვარი ახსნა-განმარტების გარეშე ადგილზე დახვრიტეს. შემრწუნებულ მეზობლებს იმის ნებაც არ დართეს, რომ იგი ქრისტიანული წესით დაესაფლავებინათ. კოკისთან თანაშეზრდილ სიყრმის მეგობრებს ღამით, მალულად, ცხედარი მოუპარათ და მიმისეულ საძებარეში დაუკრძალათ.

1924 წელს დაიჭირეს ძმები - გელა და ჯუჯუ, სიძეები ვაგი ძაძავა და კონსტანტინე შარვაშიძე, ნათესავ-მოყვრები. დახვრიტეს ბიძები - მუშნი და ოთარ დადიანები, ყველას ვერ ჩამოთვლი... ხელისუფლება სახტიკი მეთვალყურეობის ქვეშ ამყოფებდა ქალებსაც, გამზრდელებში შეფარებულ ბავშვებს სწავლის უფლებაც არ ჰქონდათ.

ვინც 1924 წლის სისხლიან ამბებს შემთხვევით გადაურჩა, შემდგომში, 1937 წლის ტრაგიკული მოვლენების მსხვერპლი გახდა...

გრიშა დადიანის ერთ-ერთი ქალიშვილი ქეთევანი (მიცი) სვანეთის მთავრის მურზაყან დადემშქელიანის უფროსი ვაჟის, კონსტანტინეს რძალი გახლდათ.

კონსტანტინე დადემშქელიანსა და მის მეუღლეს, დატალი ანჩაბაძეს შვილი არ გასჩინათ. ერთ დღეს, კონსტანტინესა და მის ცოლისძმას პეტრე ანჩაბაძეს ახლობლებში, ოსურველი ალექსანდრე (შერემ-ბეი) შარვაშიძის მრავალშვილიან ოჯახში უქეფიათ. გაჭირვებულმა მასპინძლის უმრწემესი ვაჟი და ტირილით აუკლია სახლი. შექეფიანებულმა სვანმა სტუმარმა დანანებით ჩაილაპარაკა თურმე: "რა იქნებოდა უფაღს ჩემთვისაც ერთი ვაჟიშვილი ეწუქებიანო!" წამსვე წამოიმართა შერემ-ბეი შარვაშიძე და დეკავც სტუმარს თავისი ნაბოლარა აკენიანად ჩაუსვა კალთაში. აღფრთოვანებულმა და უსახდვროდ ბედნიერმა დადემშქელიანმა გათენებას არ დაუცადა და იმ დამსვე აახმიანა ბავშვის ტირილით ორსანტიის სასახლე.



კონსტ. დადემშქელიანი და პეტრე ანჩაბაძე აფხაზ მეგობრებთან

პატარა კონსტანტინე ღირსეულ პიროვნებად გაზარდეს. შერემ-ბეის კი ის პატივი მიაგეს, რომ დადემშქელიანების ოჯახში გაზრდილი ვაჟი შარვაშიძის გვარის მატარებელი დარჩა.

პირველი მსოფლიო ომის ფრონტებზე, იგი "ველურ დივიზიაში", გვერდიგვერდ იბრძოდა მომავალ ცოლისძმებთან - ლევანთან და კონსტანტინესთან. იმავე დივიზიის ერთ-ერთ ასეულს ქეთევანის ბიძა, უჩა დადიანი მეთაურობდა. სწორედ მან შეურჩია ძმისშვილს საქმროდ ორგზის გიორგის ჯვრის კავალერი და ბრწინვალე ოფიცერი - კონსტანტინე ალექსანდრეს ძე შარვაშიძე.

საოცრად ღამაზი წყვილი პირველი ნახვისთანავე შეიყვარეს ერთმანეთს. შემდგომ ქორწილი, წლის თავზე ვაჟიანობა და ორსანტიის სასახლის მრავალრიცხოვანი სტუმრების ღალი ქეფი.

მრავალი ფაქტის გახსენება შეიძლება აფხაზთა და ქართველთა ურთიერთობის ისტორიიდან: ძიძიშვილობა-მორღუობა, ფიცვერცხლნაჭამობასა და ნათესაობა-მოყვრობის ინსტიტუტების მრავალსაუკუნოვანი ტრადიციებისადმი უსაზღვრო ერთგულება. ასეთი ძიძიშვილი და მეგობრობის გამძლეველი ერთ-ერთი კერა იყო ეს ოჯახიც.

რევოლუციის შემდგომ კი... აირია ყველაფერი, წუთისოფლისგან განაწამები, 26 წლის ასაკში აღესრულა ქეთევანი, რომელიც თეკლათის მონასტრის მიწას მიაბარეს. ათიოდე წლის შემდეგ, 1937 წელს, სიღნაღში გადახვეწილმა კონსტანტინემ თვითმკვლელობით დაამთავრა სიცოცხლე და სიკვდილის წინ ასეთი ბარათი დატოვა: "მაღა აღარ მყოფნის ამდენ სისხაგლეს ვუყურო, სიცოცხლე აღარ დირს!" იავარიქმნა ორსანტიის სამოსახლო...

არანაკლებ მძიმე იყო გრიშა დადიანის უმცროსი ასულის - თამარის (ძალე) ცხოვრებაც. მისი შვილი კიკი ძიძავა იკონებს: "დღეა იყო ამადლებული პიროვნება, წიგნიერი, მეტად სასიამოვნო მოსასმენი. სწავლობდა ქუთაისის წმინდა ნინოს კეთილშობილ ქალთა პანსიონში. იყო თავდაუზოგავი გონებრივსა თუ ფიზიკურ შრომაში, მეგობრებისა და ნათესავების გაჭირვებაში ტალ-კეგისა. ნეტარება იყო მისი სიმღერის მოსმენა, გულის წამლები - მისი მეგრული მოთქმა.

მამა - ვაგი ხარტიონის ძე ძიძავა ახალგაზრდობიდანვე სოციალ-დემოკრატიული იდეებით იყო გატაცებული. მას უამრავი მეგობარი ჰყავდა, მათ შორის აფხაზებიც, რომლებიც აფხაზური ფოლკლორის შემსწავლელ ექსპედიციაში მონაწილეობისას გაიცნო. მისი იშვიათი ხმითა და მუსიკალური სმენით ბევრი იყო მოხიბლული. ერთხელ საშა გეგუკორს მამა ბერეასთან წაუყვანია. ბერეას მისთვის ემიგრაციაში მყოფი მეგობრების

საგინებელ ტექსტზე ხელის მოწერა მოუთხოვია. მამას უხმოდ დაუბრუნებია. იმ დღიდან დაიწყო მისი უბედურება. ირკუნსკი, ულიანოვსკი, ვოლგისპირეთი, კოკანდი, ვინ უწყის სად არ იყო გადასახლებული. დედა მამას მუდამ თან ახლდა. იმ წლების გაუთავებელი ტანჯვა-წამება მე და ჩემმა დებმა სრულად გაგიზიარეთ. იგი ბოლო გადასახლებიდან 1938 წელს დაბრუნდა და მაშინვე დააპატიმრეს. იმავე თვეში დახვრიტეს..."

გრიშა დადიანის უფროს ვაჟს გელას, საქართველოს დამსახურებული კურნალისტი აგული დადიანი თავის გამოუქვეყნებელ მოგონებების წიგნში ასე ახასიათებს: "გელა ბიძია მთელი ოჯახის კერპი იყო და ასეთად დარჩა. ძმებში უფროსის მდგომარეობით სარგებლობდა. მაღალი იყო, გოლიათური აგებულება. ბავშვური გულია მქონდა. კარგი გემრიელი მოყოლა იყო ამბებისა, და იმდენ იუმორს, სიცოცხლსა და უშუალობას ჩააქსოვდა მონაყოლში, რომ ვეღარ მოშორდებოდა მსმენელი".

თებერვლის რევოლუციის შემდეგ, გელა დადიანი ფრონტიდან სამშობლოში დაბრუნდა, ხიბულაში დასახლდა. დაოჯახდა, ზუთი შვილი ეყოლა. განათლებული კაცი იყო. ხელოსნობასაც არ თაკილობდა, რასაც კი ხელს მოჰკიდებდა, ყველაფერი გამოსდიოდა. ხიბულაში პირველმა მან ჩამოიტანა ინგლისური გუთანის, სახნისი და კულტივატორი. მეზობლებთან ერთად მიწა დაამუშავა და ჩაის პლანტაცია გააშენა. წერა-კითხვის ასე მცოდნენი მაშინ იშვიათად იყვნენ, მით უმეტეს რუსულის და ამის გამო სოფელი დიდად აფასებდა. 1920-იან წლებში სკოლის აშენება ანდეს. ააშენა კიდევ. მეუღლე აღრე გარდაეცვალა, უკურნებელმა სენმა ორი ბავშვი შეიწირა, არ გამტკვარა, შრომაში ატარებდა დღეებს...

1937 წელს გაუსხენეს, რომ 1924 წლის გამოსვლებში მიიღო მონაწილეობა და დააპატიმრეს. ობლად დარჩნენ პატარები... გაგრძელება შემდეგ ნომერში)



ალექსანდრე (შირინ-ბეი) შარვაშიძე და კონსტანტინე დადემშქელიანი



მებრული პოეზიის რაფსოდია

გაზეთი "ილორი" აგრძელებს ლექსების ციკლის ბეჭდვას ცნობილი ქართველი პოეტის ლაშა გახარიას წიგნიდან "ირიათონი" (ბექელია-ნაბორდიშა).

– ქომინქ, მარა... ასე მიკვე – მუთ გაყუნუნ ოსურამსუ?!
– ქოინქუნა, რგებულ მელა ირო იშინც ოშურაღცუ.

უწი: ფატუ, მოღმაყუნი, ვემკუნანქუქუ ოშუმალცუ. ვაჯერდ, მარა მირჩქილეღუ, მათ უთუხუნდ... ოშუაღცუ.

მებჭარ: ფატუ, გურ მაწურუ სქანი ყოროფაში გეშა, ჯოჯოხეთი მუმელ, მარა სო გოიტე სამონთხეშა.

უშქურცალო გორფუნონუ – გვალო ქაშაინიხა ხეშა, ღურადღაშა ვაგოროთირა გეშნაგორა ზესნახეშა!

ღუღშათ იფცვანდ, არგამათი: "ბოშ გოხოლუქ კაკალამი! სით მურიცხიშ ძია რექი – გურშა გიოკაკალარი!

მუკაწილარ ტატალი რექ – ართო ქუნცამ-კაკლარამი სო მიგაღე შხვა ცირეფი – განო გიღმაკარკალარი!"

– გამპასუხუ... კინ ქიმებჭარი:

"ჩქიმი ფატუ, მაფალუ, ქოინქ, ჩილი ჩეფრთხინე დო სკან მეტ მუთა მაპალუ.

ჩქინ ყოროფათ განწარებულქ დახე ქიგმოფაფალუ! მოღმაყუნი, ვარა ჭყელქი, ირფელ მიდაქვაქვალუ!"

ათექ ოკო წკირუკონი... ცოდაქ დანხირ ქუდომკუმუ დო თიშ უკულ ვემებრკებუ ლებია დო მარკვა ღუმუ.

მოთაღეფით მიჭაჭილცი წკონდა წყარი ვამიშუმუ. შხეფშა ვალმანჯირუ, მარა მუქუთ ხესი ქაშმოხუმუ...

ყალმათიას ქიგნაჯინეს, უნძესი დო უჩილესი, – სით ქოთქვია მუღგანი ღურელ გეგნაფუნინესი.

ბრელი ვადუნძალებუნა, – გურიშჭუა ქურინესი... ყალმენც ქუმულანძგუეს დო ნწარას გეგნოპურჭყონესი.

– ვიცი, მაგრამ მაინც მიკვირს, როგორ გაგყვა ნაცოლარ კაცს? გეტყვით: მოხერხებულ მელას არ აკლდება სასუსნავი.

ვუთხარ: ფატუ, წამომყევი, უარს ვიტყვი ღვინის სმაზე, არ სჯეროდა, თუმც მისმენდა, და მეც ვფქვავდი, ვქსოვდი ბადეს.

და მივწერე: "ჩემო ფატუ ვღნები შენი სიყვარულით, ჯოჯოხეთი მელის, მაგრამ შენ გავიშვებ სამოთხეში..."

ჩაგებენ სამოთხის ვაშლივით – და გაგათობ ხელის გულით... სიკვდილამდე აღარ გაგცვლი მე სხვა მზეთუნახავებში".

თავიც ვიქე: "მე გახლავარ ბიჭი, მართლაც, გულიანი, შენ მძივი ხარ ვარსკვლავისა, – გულში ჩასახუტებელი.

შენ ვარდი ხარ მოსაწყვეტი, ველური და ეკლიანი. შენ ვერავინ შეგედრება, გარე-გარე მოარული".

პასუხი რომ არ მაღირსა,

კვლავ მივწერე: "ჩემო ფატუ, იცი, ცოლს რომ გავეყარე და შენს მეტი არავინ მყავს.

ჩვენი სიყვარულის გამო ლამის სახლი გადამიწვა... წამომყევი! იმ წყეულმა სულ ყველაფერი წაიღო."

მგონი ამან გახტრა კიდეც... და ამინთო კვლავ კერია. ჰოდა, დღემდე არ მაკლია – ლობიო და მურკლა ღომი.

რაც შეიღის შეიღოთ მოვესწარით, სუფთა წყალი არ გვისვია, სხვა ქალებთან არ მიშვებდა, თვითონ შემომაჭკნა ხელში...

ყალმათიას გადახედეს – უცოლოს და უძეოსა, რაიმე შენც გვითხარიო – ცოცხალ-მკვდარი დააფიცეს.

ბევრი არც დაუძალებიათ, მიხვდნენ მისსა გულისტკივილს, ჩიბუსს ტარი გაუძიძგნეს და გრძლად გადააპურჭყეს.

ბთაჰაზობთ ნაწყვეტებს ნაპო მესხიას წიგნიდან როგორ გასხვიოსდა აფხაზეთი...

თამაზ ნადარეიშვილის თანხმობის შემდეგ, ისინი, ეტყობა, ჩემგან სრულიად უსიტყვო მორჩილებას მოელოდნენ!
ასეთი ღამის შემდეგ, უძინარი და აფორიაქებული ვისმენდი ტელეფონით თამაზ ნადარეიშვილის დამოძღვრას და არაფერს იმაზე, თუ რა სიურპრიზი მომიწყო წინა დამეს. სწორედ ამან გამომიყვანა მწყობრიდან და ამიტომ შეგწყვიტე მასთან საუბარი. ამ დროს მან კარგად იცოდა, რომ ეს საკითხი უკვე იდგა კენჭისყრასზე, სადაც, სხვათაშორის, ბატონ ლეონარდო დეგლარიანის კანდიდატურაც იხილებოდა, მაგრამ დეპუტატთა უმრავლესობამ უპირატესობა დაეთმო თამაზის მიანიჭა და ეხლა ამის გადათამაშება არ შეიძლებოდა.
ვიმეორებ, ეს მან სხვებზე უკეთესად იცოდა, მაგრამ მაინც დგამდა ასეთ არასწორ ნაბიჯს და, ამავდროულად, მეც მაყენებდა დარტყმის ქვეშ!
ჩემთვის ეს არ იყო ახალი – იგი, როგორც წესი, ყველას ჰპირდებოდა და აკეთებდა არა იმას, რაც საქმეს სჭირდებოდა ან განმუხტავდა სიტუაციას, არამედ იმას, რაც მეტ დაპირისპირებასა და დაძაბულობას გამოიწვევდა.
ეს მისი მუშაობის სტილი გახლდათ! ასეთი გადახვევის შემდეგ, მინდა მივუბრუნდე ისევ თამაზ ნადარეიშვილთან სატელეფონო საუბარს. თურმე, ჩემს მიერ საუბრის უხეშად შეწყვეტის შემდეგ, ისევ რეკავს ბატონი თამაზი, ახლა უკვე ყურმილს იღებენ დეპუტატები თემურ მუჯაია და ჯემალ გამახარია. მათაც იგივე დავალებას აძლევს: "არ შეხვიდეთ სესიაზე, სანამ თბილისიდან ზარი არ იქნება. მე მივდივარ თბილისში ბატონი ნაპო მესხიას კანდიდატურის დასამტკიცებლად". ესენი შემოდიან კაბინეტში და ყველას

გასაგონად ამას ხმამაღლა აცხადებენ. იმ დღეს პირველ საკითხად გადიოდა გულრიფშის გამგებლის არჩევა და სესიაზე მიუსვლელობა არ ივარგებდა. ამიტომაც ვიყავი იქ მისული.
სესიაზე დაეთმო თამაზის კანდიდატურა დამტკიცდა. ამის შემდეგ გამოცხადდა შესვენება. თამაზ ნადარეიშვილის კაბინეტში, სადაც ყველანი ვიმყოფებოდით, შემოდის უმაღლესი საბჭოს თავმჯდომარის თანაშემწე, ადვოკატ ბარგანჯია და მთხოვს მისვლას არძინბასთან. მე უსიტყვოდ ვვადგები და მივდივარ მასთან. ამ დროს ხდება მოულოდნელი რამ: არძინბა, თამაზ ნადარეიშვილის კაბინეტის წინ, დერეფანში მხედვდა, ფანჯარას მიყრდნობილი, მარტო, დაცვის გარეშე. დერეფანში იმყოფებოდნენ აგრეთვე, ჩვენი კოლეგები. მე მივუახლოვდი, მივესალმე და ვეკითხებო: "სлушаю Вас, Владислав Григорьевич, что случилось?" ის მეუბნება: "Рухнули наши планы, Госсовет предлагает другую кандидатуру?" მე ვეკითხებო: "Почему, откуда Вы знаете?" ის მპასუხობს: "По поручению Госсовета звонил господин Джаба Иоселиани и предлагает кандидатуру Ломинадзе!"
ამის გაგონებაზე თავზარი დამეცა, იმწამსვე გამიელვა თავში წინა დღით თამაზ ნადარეიშვილის სატელეფონო საუბარმა ჯერ ჩემთან, მერე თემურ მუჯაიასა და ჯემალ გამახარიასთან. ხდებოდა გაუგონარი რამ: ეს ცბიერების გასაოცარი, არნახული ნიმუში გახლდათ, თუმცა ჩემთვის ნათელი იყო, თუ რატომ წამოვიდა გივი ლომინაძის კანდიდატურა მინისტრთა საბჭოს თავმჯდომარის პოსტზე, როგორც ზემოთ აღვნიშნე, მისი გასვლა აპრობირი გამორიცხული იყო – ასჯერ რომ დამდგარიყო, ასივეჯერ ჩავარდებოდა.
ეს ყველა კარგად იცოდა, მაგრამ ყვე-

ლაზე კარგად კი – თავად თამაზ ნადარეიშვილმა. ამიტომაც იყო ეს სვლა მზაკურული, ისედაც უარყოფითად დამუხტული და დაძაბული პოლიტიკური სიტუაციის კიდევ უფრო დამძიმებისაკენ გადადგმული ნაბიჯი. გივი ლომინაძის კანდიდატურის ჩავარდნით კიდევ უფრო აიძვრებოდა წყალი და ამით დაინტერესებულ ჯგუფს სხვა პერსპექტივა უჩნდებოდა.
სხვა ახსნა ამ ფაქტს, უბრალოდ, არ აქვს.
არძინბა მეკითხება: "Что делать?.. Может замнем все это и проведем ту кандидатуру, которую мы с вами и с Озганом обсуждали?!"
მეკითხველმა, რომ იცოდეს, თუ რაზე მიმანიშნებდა არძინბა, უნდა გაცხადდეს, რომ რამდენიმე დღის წინ მქონდა მასთან შეხვედრა და, ოზგანთან ერთად, განვიხილეთ თავმჯდომარის შესაძლო კანდიდატურები. მაშინ მე მათ შეეთავაზე აწ განსვენებული ოთარ ზუხბაიას კანდიდატურა.
იგი გამოკვეთილ ქართულ პოზიციაზე მდგომი პიროვნება იყო, თანაც – ადგილობრივი კადრი და, რაც მთავარია, ამ თანამდებობაზე მუშაობის გამოცდილება გააჩნდა. მაშინ მან კატეგორიულად არ მიიღო ეს წინადადება. არძინბამ იგი ყველა მიწიერ ცოდვაში და, მათ შორის, სოხუმის უნივერსიტეტის გაყოფაში, ამის ნიადაგზე კი – აფხაზეთში სისხლის დაღვრაში დაადასმულა. ვერაფრით ვერ დავარწმუნე, რომ მას არ მიუძღოდა ამაში ბრალი, თუმცა, სამართლიანობა მოითხოვს ითქვას, რომ ბატონი ოთარი გულშემატკივრობდა მათ, ვისაც ეს ხელს აძლევდა.
როდესაც ოთარ ზუხბაიას კანდიდატურა ჩავარდა, შეეთავაზე ვახტანგ ყოღბაიას კანდიდატურა. ამაზე სულ გადაიბრია. ვხედავდი, რომ ჩიხში შევედით

და შევეკითხე მას: "Скажите, кого бы вы хотели видеть в этой должности?" ის მპასუხობს: "Вот, подошел бы Важа Зарандия, он тоже гальский. Его кандидатуру гальцы поддерживают, пишут коллективные письма и т.д."
მე ვაუღლიძე და ვეუბნებო: "Гальцы его и вовсе не знают! Не обижайте гальцев и не делайте это от их имени. Они это просто не поймут". მცირე პაუზის შემდეგ განაცხადა: "А кого, может Рамаза Сичинава?!"... მე დავეფიქრდი: ახალგაზრდა კაცია, განათლებული, თუ შემოთავაზებული კანდიდატურები არაა გამსვლელი, მაშინ – რატომ არა? და მივეცი თანხმობა მასზე. რაღა თქმა უნდა, ჩემი თანხმობა მდგომარეობდა იმაში, რომ ეს კანდიდატურა წარდგენამდე განხილული იქნებოდა დეპუტატთა ქართულ ფრაქციაში. თუმცა, მოველენათა შემდგომმა განვითარებამ და ზემოთ მოტანილმა ფაქტებმა შეცვალეს მასზე შეხედულება.
შვეთანხმდით, რომ არძინბა იმუშავებდა აფხაზეთ დეპუტაციაში, მე კი ქართულში. ამით დავამთავრეთ მაშინ საუბარი. მოხდა ისე, რომ გივი ლომინაძე შემოგვხვდა დერეფანში და დაინახა, მე და არძინბა როგორ გამოვედით ერთად ოზგანის კაბინეტიდან. იგი მომესალმა და მეკითხება თუ რაზე ვგქონდა საუბარი მათთან. მე არ დამიმაღავს, ორიოდ სიტყვით ვუთხარი ის, რაზედაც ვისაუბრეთ. მას ეს არ მოეწონა და თქვა: "ეს კანდიდატურა არ არის საუკეთესო!" მე პასუხი არ გამოცია, ავედი ზევით და შევუერთდი ჩემს ქართველ კოლეგებს. შემდეგ კი აფხაზეთ მხარესთან გამართული დიალოგის თაობაზე მოვუყუე ჩემს ახლო მეგობრებს.

ბაზეთი "ილორი" უძღვება რუბრიკას "მსოფლიოს დიდი ფეხბურთელები"

მსოფლიოს დიდი ფეხბურთელები

მას შემდეგ, რაც მე-19 საუკუნეში ინგლისელებმა აღადგინეს სპორტის უძველესი სახეობა, მსოფლიოს ყველა ქვეყანაში იბადებოდნენ დიდი ფეხბურთელები, რომლებიც ქმნიდნენ მთელ ეპოქას და მათი მიღწევები ოქროს ასოებით იწერებოდა პლანეტის სპორტულ ისტორიაში. ისინი გვიხსენებენ თავიანთი საფეხბურთო სამეცნიერო-სპორტული ოსტატობით. ეს ხდებოდა მაშინ, როცა ფეხბურთი ისინი იყო იდეალური ფეხს მსოფლიოში და ჯერ კიდევ არსად არ იყო აშენებული, არამედ თუ გიგანტური, არამედ ათასმეურთხიანი სტადიონებიც კი. მაგრამ სწორედ მათმა ოსტატობამ დაუღლო სათავე სპორტის ამ უღამაზეს სახეობას, რომელსაც დღეს ლამის მთელი მსოფლიო უთავყვანება. მას შემდეგ უამრავი დიდი ფეხბურთელი მოეხდინა სამყაროს, მაგრამ ჩვენი რუბრიკა მინც წინ აყენებს იმ დიდი სპორტსმენების ხსოვნას, რომელთაც მსოფლიოს განახლებული სახით უძღვნენ ჯერ კიდევ ჩვენს წელთაღრიცხვამდე დიდი ხნით ადრე ჩინეთში შობილი სანახაობრივი სპორტი - ფეხბურთი! მალე დაინტერესებულ პირთა ვიწრო წრეში აღიარებული ეს სანახაობა მასიურ ღონისძიებად იქცა, რამაც წარმოქმნა შესაბამისი სპორტული ბაზების აშენების აუცილებლობა. სწორედ წარსულის დიდი ფეხბურთელების დამახსოვრებაა, რომ გვაქვს შესანიშნავი სპორტული კომპლექსები "მარაკანა", "ატეტეკა", "ნოუ კამპი", "სანტიაგო ბერნაბეუ", "ლუჯინიკები", "ოლიმპია სტადიონი", "შემადგენ პარკი" და სხვა და სხვა. სწორედ ამ სპორტულ "მონსტრებს" ავსებენ პირთამდე დღევანდელი ფეხბურთის "გრანდები", რომლებიც მონდომებითა და წარმატებით აგრძელებენ თავიანთი დიდი წინაპრების საქმეებს.

კენი დალგლიზი
დაიბადა 1951 წლის 4 მარტს, შოტლანდიაში.
თამაშობდა კლუბებში "სელტიკი" (შოტლანდია), "ლივერპული" (ინგლისი).
კენი დალგლიზი დიდი ბრიტანეთის სპორტის ისტორიაში შევიდა როგორც ყველაზე ტიტულირებული ფეხბურთელი. ჯერ როგორც მოქმედი ფეხბურთელი, შემდეგ კი, როგორც მწვრთნელი. 26 პრესტიჟული ტურნირი მოიგო. გარდა ამისა, დალგლიზმა შოტლანდიის საფეხბურთო ნაკრების შემადგენლობაში ჩაატარა 102 მატჩი, რაც დღემდე მისი სამშობლოს რეკორდს წარმოადგენს. გაიტანა 30 გოლი და ამ რეკორდსაც დალგლიზი დღისი ლოუსთან ერთად იყოფს.
"სელტიკს" დიდად გაუმართლა, როცა დალგლიზი შეიძინა მას შემდეგ, რაც 1967 წელს ევროპის ჩემპიონთა თასი მოიპოვა. ამ ფორვარდის მოსვლის შემდეგ გუნდმა მრავალ პრესტიჟულ ტურნირში მოიპოვა გამარჯვება, მაგრამ შექმნილი ფინანსური პრობლემების გამო, 1977 წელს, "სელტიკმა" იგი 400.000 ფუნტ სტერლინგად მიჰყიდა "ლივერპულს". იგი უკვე ლეგენდარული ფეხბურთელი გახლდათ, რომლის თამაშზე დასასწრებად "ენფილდ როუდის" სტადიონი მუდამ გადავსებული იყო მისი ფანებით. მისი თითქმის დაუჯერებელი წარმატების მთავარი კოხირი გახლდათ მაღალი სასტარტო სიჩქარე, ბურთის ფლობის ბრწყინვალე ტექნიკა და გოლის გატანის ინტუიცია. იგი ღირსეული მოქალაქეც იყო და ობიექტურად ახსნა პილსბოროს ტრაგედიის მიზეზები. მაგრამ ტრაგედიამ იმდენად შეძრა სპორტული სამყარო, რომ დალგლიზმა მალე დატოვა "ლივერპული" რიგები. იგი მწვრთნელობას შეუდგა და "ბლეკბერნი" მალე გახდა ქვეყნის ჩემპიონი. შემდეგ მან "ნიუკასლის" მწვრთნელის პოსტზე შეცვალა კევინ კიგანი და გუნდი ინგლისის 1998 წლის თასის ფინალში გაიყვანა. შემდეგ ინგლისის კლუბ "სელტიკის" სპორტულ დირექტორად მუშაობდა.

ბილი (ბიტი) დინო
დაიბადა 1907 წლის 22 იანვარს, ინგლისში.
თამაშობდა კლუბებში "გრანმერი", "ვეერტონი" და "ნოთს ქაუნტი" (ინგლისი). ნებისმიერი ფეხბურთელი, რომელიც ქვეყნის ნაკრებში მოხვედრისთანავე პირველ 5 მატჩში გაიტანს 12 გოლს, უდავოდ იმსახურებს დიდი ფეხბურთელის საპატიო წოდებას, თუნდაც ეს მომხდარიყო "შემტევი ფეხბურთის" ეპოქაში, როცა ხუთი თავდამსხმელი სამი დამცველის წინააღმდეგ გამოდიოდა და თითო მატჩში ოთხი-ხუთი და მეტი გოლის გატანა არავის აოცებდა. მაშინ ბილი დინო 20 წლის თმასუკუკა ყმაწვილი გახლდათ, რომელსაც წინ დიდი სპორტული გზა ედო. დიდ ფეხბურთში მისვლიდან ერთ წელწადში ბილი დინმა ინგლისის რეკორდი დაამყარა - 60 გოლი გაიტანა ერთი საფეხბურთო სეზონის განმავლობაში. გარდა ამისა, ბილი დინმა თავი გამოიჩინა ჩემპიონატების ბოლო სამ ტურში, სადაც შედეგითაა ერთი ბურთით გაუსწრო "მიდლსბროსს" სახელგანთქმულ ფორვარდს ჯორჯ კემსელს.
ინგლისის ნაკრების შემადგენლობაში ბილი დინმა ჩაატარა 16 მატჩი, რომლებშიც გაიტანა 18 გოლი, ხოლო კიდევ მოწოდდა 16 საჩვენებელ და ამხანაურ მატჩებში 47 გოლი გაიტანა, რაც დღემდე სპორტული ითვლება. ამგვარი მატჩების ჩატარება უადრესად პოპულარული იყო მაშინ, როცა ჯერ კიდევ არ არსებობდა ტელევიზია.
მის მიერ ჩატარებული მატჩების რიცხვს მიუმატებ თავსებე გამართულ 33 შეხვედრაში გატანილი 38 გოლი და კიდევ 379 გოლი, რომელიც ბილი დინმა გაიტანა პრემიერლიგის 438 მატჩში.
ეს წარმატება დაუჯერებელია თუნდაც იმიტომ, რომ ბილი დინმა ჯერ კიდევ საფეხბურთო კარიერის დასაწყისში მიიღო თავის მძიმე ტრავმა, რაც ხშირად შეახსენებდა ხოლმე თავს ამ დიდებულ სპორტსმენსა და პიროვნებას.

ლუის დელ სოლ მირამონტესი
დაიბადა 1938 წლის 15 აგვისტოს, ესპანეთში.
თამაშობდა კლუბებში: "ბეტისი", "სევილია", "რეალმა" მადრიდი (ესპანეთი), "იუვენტუსი" (იტალია).
ლუის დელ სოლ მირამონტესი ნახევარდაცვის მარჯვენა ფლანგზე თამაშობდა და ძირითადად შემტევი სტილის ფეხბურთელად ითვლებოდა. სწორედ მისი დიდი დამახსოვრება გახლდათ ის, რომ 1960 წელს, ლეგენდარულმა მადრიდის "რეალმა" ევროპის ჩემპიონთა თასი მოიპოვა. გუნდმა ეს წარმატება მოიპოვა დამაბულ ბრძოლაში, რომელიც ფრანკფურტის "ანტრახტმა" გაუმართა "შემადგენ პარკის" სტადიონზე. შესანიშნავი ტექნიკის მქონე, სწრაფი და აგრესიული ნახევარმცველი ლუის დელ სოლ მირამონტესი თითქმის ბავშვი მივიდა მშობლიური ქალაქ სევილიის "ბეტისში" და მალე მიიქცია სპეციალისტების ყურადღება. მალე "რეალის" ხელმძღვანელობამ ჩათვალა, რომ ბრაზილიელი ფეხბურთელი დიდი ღირსეულ პარტიზორობას ვერ უწყევდა ლეგენდარულ დი სტეფანოს და ლუის დელ სოლ მირამონტესის ყოფვა გადაწყვიტა. ეს გარიგება 1959-1960 წლების საფეხბურთო სეზონის მიწურულს შედგა და მართლაც, დაუდღელი ლუის დელ სოლ მირამონტესი საგოლე ბურთებით უხვად ამარაგებდა ფეხბურთისათვის უკვე საკმაოდ ხანდახმულ დი სტეფანოსს და პუშკასს. 1962 წელს "რეალმა" ლუის დელ სოლ მირამონტესი იტალიის "იუვენტუსს" მიჰყიდა, რათა აღებული თანხით ლეგენდარული პეულე შეეძინა, მაგრამ ეს საფეხბურთო ვაჭრობა კრახით დასრულდა, საბოლოო ჯამში კი ესპანელებმა იზარალებეს. ლუის დელ სოლ მირამონტესი რვა სეზონის განმავლობაში თამაშობდა "იუვენტუსში", მომდევნო ორი წელი კი "რომაში", სადაც თავი გამოიჩინა როგორც შედეგიანმა და საიმედო ფეხბურთელმა.
ლუის დელ სოლ მირამონტესმა აქტიურ ფეხბურთს 1972 წელს გაანება თავი და მშობლიურ ესპანეთში დაბრუნდა.

ბიორგი ჯალალანია

იუმორი


კახელი ტყეში შედის ხის მოსაჭრელად. ხელზე დაიფურთხებს, ნაჯახს აიღებს და მოიქნევს. ამ დროს გამოჩნდება მისი ნარკომანი შვილი.
- მამი, დაგეხმარები, რა?
- რით უნდა დამეხმარო, წადი სახლში!
კახელი ისევ დაიფურთხებს ხელზე და ნაჯახს აიღებს.
შვილი კვლავ უმეორებს:
- მამი დაგეხმარები, რა.
- რაში უნდა დამეხმარო?
- ხელზე დაგაფურთხები!

გოგონა დაქალს თავის საქმროს აცნობს:
- აი, თინიკო, ესაა ის ცხენიანი პრინცი, მე რომ ვოცნებობდი!
- ვაიმე, რა ლამაზი ცხენიააა!

ორი შინაბერა შეხვდა ერთმანეთს.
- აუ, ზოგს რა ბედი აქვს. ეს ჩვენი მეზობელი გათხოვდა, საყვარელიც ჰყავს და ამას წინათ გააუპატიურეს კიდევ!

ოქროულობის მაღაზიაში დარაჯს იღებენ.
- იცოდებ, ეუბნება მაღაზიის მენეჯერი, - სამუშაო არც ისე ადვილია. მთელი დღე და ღამე ერთ ადგილზე უნდა იჯდე. შეძლებ?
- რას ამბობ, ნაჩაღნიკ, მთელი დღე კი არა, მთელი თექვსმეტი წელი ვიჯექი ერთ ადგილზე!

მარტვილში დინოზავრის ორი ნაკვალავი აღმოაჩინეს



დასავლეთ საქართველოში, მარტვილის რაიონში პალეონტოლოგებმა დინოზავრის ორი ნაკვალავი აღმოაჩინეს. პალეონტოლოგი ვასილ გაბუნია აცხადებს, რომ დინოზავრის ნაკვალავი მარტვილის რაიონში არქეოლოგიის სტუდენტებმა უმნიშვნელო გათხრებისას სრულიად შემთხვევით, იპოვეს.
- ჩვენ დინოზავრის კარგად შენახული ერთი დიდი ნაკვალავი ჩანჩქერთან ახლოს აღმოვაჩინეთ. მეორე ნაკვალავი მტაცებელ დინოზავრს ეკუთვნის. ჩვენ აქვე ვნახეთ უძველესი ზღვის ნიჟარები, რომელთაც კარგად შევისწავლით, - განაცხადა გაბუნია.
პალეონტოლოგი ვიანესლავ ჩხიკვაძის განცხადებით, აღმოჩენილია დინოზავრის ჩონჩხის ფრაგმენტებიც. მეცნიერები ჩონჩხს შეისწავლიან და გაარკვევენ, რა სახეობის დინოზავრთა ოჯახს მიეკუთვნება ნაკვალავი და ჩონჩხი.
მარტვილის რაიონში ასევე შედგება სპეციალური ექსპედიცია, რომელიც აღმოჩენის ადგილს დაწვრილებით გამოიკვლევს.
საქინფორმ

ნუთუ

თახსირდება საქართველო, ვხედავ ეშმა ღრეობს, ნუთუ ერის გამყიდველნი გაიტანენ "ლელოს"?
ნუთუ ენას რუსთველისას დაედება ხაცის?
- ისიც, ნუთუ, რაც გადგვირჩა შთაინთქმება ხანძრით?
ეჰ, ქართველნი, ეჰ, ქართველნი, ეს რა მოგდით ერთი? თვისტომს, თვისტომს რომ ეკვეთეთ მახვილით და ცეცხლით?
ნუთუ სულ მთლად დაგწყვეტიათ თქვენ ნამუსის ძარღვი და ჯალათის ნაჯახით გსურთ დააოქოთ ხალხი?
ქართველებო, ქართველებო, ეს რა მოგდით, ღმერთო, ნუთუ თქვენში ადას სისხლი და სიღამაჟე მზეობს?
ნუთუ სულ არ გირევიათ თქვენ ქართველის სისხლი? და მოხვედით აქობამდე ნიღბით, ნიღბით, ნიღბით?!
ალექსანდრე (ჯამალ) ჯღარკაბა
1991 წლის 31 იანვარი

როკი ბაბუ

ჩქიმ ფრიშულამ როკი ბაბუს ერ დო ვითი მოთა არღუ, ოთხონენის მუკაჩირთ დო ყოროფილშა მირაბადუ... მოგოთანეთ გემნოტყობუნს: - ჭკვერას ქორდა, - მირაბადუ... - ფარა ქომუ, ვარა ირფელს ქოთხობელა - ურბადუქ! - წიე სი მუს ოცირქინა, გომიცელო მირაბადუ, დადის მუთუნ ვაწუშა დო ირფელ სქანო მოკო ბაბუ...

ბჟაეიოლშე ბჟადაალით, ბიჟდეთით დო ოჩხანეთ, ეშედ ჩქიმ ოკოლხემ თუთა, გენათი დო მოჩხონე...

გური გოზიორილ მაფუ, შურქ გინმართუ ყინი თირო სი გემინწყი, ჩქიმ ღორონთი, თენა თაშ იყინი ირო?...

ვა შინერს დო ვეშემლეგუ ვაიწუათი თენა მანი: მუჭო გუნა ართმაჟიას ანაპა დო შორაპანი...

ზარა იში

ვოუჯგუნო რჯოხოდასი ყაზაყ ჯიმ დო ქობალიში, ფარა იში, სახელ ვეში - გორიშ ხეოფაჩილიში...

მუ მიჩქულუ ჯუმალეფი ვალას მემიდინულუნი, გური ჩქიმი ჩილაპურიშ ოკეანეს დინწყულუნი... პოეტ ვორექ, რამაზ კუპრა, კოლხეფიში აიაშე, ქიგეფსკიდი ჩილაპურშა ართკაკალი დაიაში...

შურობუმუშ მოყოროფემს ღურა შურო ვა ნარღუნა, "თელო ღურას ირო უჯგუ კოჩიშ კონანიერ ღურა..."
რამაზ კუპრა



რედაქციის მისამართია: თბილისი, ბაქრაძის ქუჩა №6 მ-4 სართული სარეგ. №01018002930
მთავარი რედაქტორი: როლანდ ჯალალანია
მთ. რედაქტორის მოადგილე: დავით ქობალია
ტექნიკური რედაქტორი: მიხეილ ჩოღრიშვილი
ბაზეთის მენეჯერი: ზურაბ ქობალია
www ilori.ge
e-mail: elisabetthal@yahoo.de
რეკლამის განთავსება 38-41-97 893-51-01-71 899-34-37-27